

ÁKVÖRÐUN NR. 169**frá 11. júní 1998****um starfsreglur og skipan tækninefndar um gagnavinnslu er heyrir undir framkvæmdaráð um félagslegt öryggi farandlaunþega(*)****(98/444/EB)**

FRAMKVÆMDARÁÐ UM FÉLAGSLEGT ÖRYGGI FARANDLAUNÞEGA HEFUR,

með hliðsjón af d-lið 81. gr. reglugerðar (EBE) nr. 1408/71, en samkvæmt honum skal framkvæmdaráðið stuðla að og auka samvinnu milli aðildarríkjanna með því að færa aðferðir við upplýsingaskipti til nútímahorfs, einkum með því að laga upplýsingaflæði milli stofnana að hugbúnaði fyrir gagnaflutningsþjónustu með hliðsjón af þróun gagnavinnslu í hverju aðildarríki, með það í huga að flýta fyrir greiðslu bóta,

með hliðsjón af 1. mgr. 117. gr. c í reglugerð (EBE) nr. 574/72 en samkvæmt henni skal framkvæmdaráðið setja og ákveða starfsreglur og skipan tækninefndar sem skal skila skýrslum og rökstuddu álit, samkvæmt 117. gr., 117. gr. a og 117. gr. b, áður en ákvarðanir eru teknar.

ÁKVEÐIÐ EFTIRFARANDI:

1. gr.

1. Framkvæmdaráðið um félagslegt öryggi farandlaunþega kemur á fót tækninefnd um gagnavinnslu sem kveðið er á um í 1. mgr. 117. gr. c í reglugerð (EBE) nr. 574/72. Hún er kölluð „tækninefndin“.
2. Tækninefndin sinnir þeim verkefnum sem mælt er fyrir um í 2. mgr. 117. gr. c í reglugerð (EBE) nr. 574/72.
3. Framkvæmdaráðið um félagslegt öryggi farandlaunþega gefur tækninefndinni stefnumótandi fyrirmæli með tilliti til þeirra sértæku verkefna sem hún hefur með höndum og getur breytt þeim fyrirmælum eftir því sem þörf krefur.

2. gr.

Tækninefndin skal samþykkja skýrslur sínar og rökstudd álit á grundvelli tæknigagna og tæknilegra rannsókna, ef þörf krefur. Hún getur farið fram á það að innlend yfirvöld láti henni í té nauðsynlegar upplýsingar vegna rannsókna á málum sem hún hefur til umfjöllunar.

3. gr.

1. Tækninefndin skal skipuð tveimur mönnum frá hverju aðildarríki, fastafulltrúa og varamanni hans. Ríkisstjórnarfulltrúi aðildarríkisins í framkvæmdaráðinu skal afhenda framkvæmdastjóra þess upplýsingar um tilnefningar.
2. Skýrslur og rökstudd álit skal samþykkja með einföldum meirihluta viðstaddra nefndarmanna og hefur hvert aðildarríki eitt atkvæði sem fastafulltrúi greiðir eða varamaður hans í fjarveru hans. Tilgreina skal í skýrslum og rökstuddum álitum tækninefndarinnar hvort þau hafi verið samþykkt samhljóða eða fengið stuðning einfalds meirihluta. Í þeim skal tíunda niðurstöður og fyrirvara minnihlutans sem kann að hafa myndast. Skýrslur og rökstudd álit öðlast því aðeins gildi að 12 nefndarmenn hið minnsta hafi verið viðstaddir þegar þau voru samþykkt.

(*) Þessi EB-gerð, sem birtist í Stjtið. EB L 195, 11.7.1998, bls. 46, var nefnd í ákvörðun sameiginlegu EES-nefndarinnar nr. 34/1999 frá 26. mars 1999 um breytingu á VI. viðauka (Félagslegt öryggi) við EES-samninginn, sjá þessa útgáfu af EES-viðbæti við Stjórnartíðindi Evrópubandalaganna.

3. Fulltrúi framkvæmdastjórnar Evrópubandalaganna, eða maður tilnefndur af honum, skal veita tækninefndinni ráðgjöf.

4. gr.

Með formennsku í tækninefndinni til hálfis árs í senn fer fulltrúi eða annar tilnefndur embættismaður þess ríkis sem fer með formennsku í framkvæmdaráðinu á sama tímabili. Formaður tækninefndarinnar skal gefa skýrslu um störf hennar að beiðni formanns framkvæmdaráðsins.

5. gr.

Tækninefndin getur í sérstökum tilvikum lagt fram tillögu um að komið verði á fót sérskipuðum vinnuhópum til að fjalla um tiltekin málefni. Í tillögunni skal lýsa fyrirhuguðum verkefnum, gera grein fyrir tímamörkum og kostnaði sem af þessu hlýst. Leggja skal tillöguna fyrir framkvæmdaráðið sem metur hvort nauðsynlegt sé að koma slíkum vinnuhópi á fót.

6. gr.

Aðalskrifstofa framkvæmdaráðsins undirbýr og skipuleggur fundi tækninefndarinnar og sér um fundarritun.

7. gr.

Tækninefndin skal leggja ítarlega vinnuáætlun, sem er gerð á grundvelli stefnumarkandi fyrirsmála, fyrir framkvæmdaráðið til samþykktar. Tækninefndin skal enn fremur senda framkvæmdaráðinu árlega skýrslu um störf sín og árangur samkvæmt vinnuáætluninni, ásamt tillögum um breytingar á henni.

8. gr.

Fyrirhugaðar aðgerðir tækninefndarinnar, sem hafa í för með sér kostnað fyrir framkvæmdastjórn Evrópubandalaganna, eru háðar samþykki fulltrúa þeirrar stofnunar.

9. gr.

Reglur um tungumál tækninefndarinnar skulu vera þær sem mælt er fyrir um í reglugerð ráðsins nr. 1. frá 15. apríl 1958, eins og henni var breytt með I. viðauka við lögum um aðildarskilmála og aðlögun að sáttmálunum frá 1972, I. viðauka við lögum um aðildarskilmála lýðveldisins Grikklands og aðlögun að sáttmálunum frá 1979, I. viðauka við lögum um aðildarskilmála konungsríkisins Spánu og lýðveldisins Portúgals og aðlögun að sáttmálunum frá 1985 og I. viðauka við lögum um aðildarskilmála lýðveldisins Austurríkis, lýðveldisins Finnlands og konungsríkisins Svíþjóðar og aðlögun að sáttmálunum frá 1994 og 1995.

10. gr.

Viðbótarreglurnar sem mælt er fyrir um í viðaukanum hér á eftir skulu einnig gilda um tækninefndina.

11. gr.

Ákvörðun þessa skal birta í *Stjórnartíðindum Evrópubandalaganna*. Hún kemur til framkvæmda 1. júlí 1998.

Fyrir hönd framkvæmdaráðsins,

Peter CLEASBY

formaður.

VIÐAUKI

Viðbótarreglur fyrir tækninefndina

1. FUNDARSETA

- a) Ef starfandi formaður tækninefndarinnar kemst ekki á fund skal einn tilnefndra embættismanna frá sama ríki taka sæti í hans stað.
- b) Nefndarmönnum er heimilt að hafa einn eða fleiri sérfræðinga með sér á fundi tækninefndarinnar ef slíkt telst nauðsynlegt eðli málsins samkvæmt. Sú almenna regla gildir að í hverri sendinefnd séu ekki fleiri en fjórir menn.
- c) Framkvæmdastjóri framkvæmdaráðsins eða í fjarveru hans annar starfsmaður af aðalskrifstofu, sem hann hefur útnefnt, skal sækja alla fundi tækninefndarinnar og sérskipaðra vinnuhópa hennar. Í för með honum skulu vera starfsmenn aðalskrifstofu sem framkvæmdastjórinn hefur útnefnt.
- d) Fulltrúa framkvæmdastjórnar Evrópubandalaganna, eða öðrum sem hann tilnefnir, er heimilt að sækja alla fundi tækninefndarinnar og sérskipaðra vinnuhópa hennar við annan mann sem hann tilnefnir sjálfur. Enn fremur er fulltrúa frá annarri deild framkvæmdastjórnar Evrópubandalaganna heimilt að sitja þessa fundi ef það hefur þýðingu fyrir málið sem er til umfjöllunar.

2. ATKVÆÐAGREIDSLA

- a) Ef fastafulltrúi í tækninefndinni gegnir stöðu formanns er varamanni heimilt að greiða atkvæði í hans stað.
- b) Við atkvæðagreiðslu skal viðhafa nafnakall eftir stafrófsröð og byrja á því landi sem kemur næst á eftir landinu sem fer með formennsku í tækninefndinni.
- c) Nefndarmaður sem situr hjá við atkvæðagreiðslu getur að eigin ósk gert formanni grein fyrir ástæðunum fyrir því að hann situr hjá, að nafnakalli loknu.
- d) Ef meirihluti nefndarmanna situr hjá skal líta svo á að tillagan, sem var lögð fram til atkvæðagreiðslu, hafi ekki verið tekin til greina.

3. DAGSKRÁ FUNDAR

- a) Framkvæmdastjóri framkvæmdaráðsins skal gera drög að dagskrá hvers fundar tækninefndarinnar í samráði við formann hennar og fulltrúa framkvæmdastjórnar Evrópubandalaganna. Áður en mál er tekið á dagskrá er framkvæmdastjóranum heimilt, ef nauðsyn krefur, að óska eftir skriflegu álitum hlutaðeigandi sendinefnda á málinu.
- b) Í drög að dagskrá skal fyrst og fremst setja dagskrárliði sem nefndarmaður eða fulltrúi framkvæmdastjórnar Evrópubandalaganna hefur sent framkvæmdastjóra framkvæmdaráðsins óskir og greinargerð um að minnsta kosti 20 virkum dögum fyrir upphaf fundar.
- c) Senda skal nefndarmönnum í tækninefndinni, fulltrúa framkvæmdastjórnar Evrópubandalaganna og öðrum sem sitja fundinn drög að dagskrá eigi síðar en 10 virkum dögum fyrir upphaf hvers fundar. Senda skal gögn er varða einstaka dagskrárliði til þeirra um leið og þau liggja fyrir.
- d) Við upphaf hvers fundar skal tækninefndin samþykka dagskrá fundarins. Tækninefndin verður að samþykka það samhljóða ef teknir eru á dagskrá aðrir liðir en þeir sem birtir eru í drögum að dagskrá. Nefndarmönnum í tækninefndinni er heimilt að draga fram að næsta fundi að láta uppi endanlega afstöðu sína um dagskrárliði sem eru í drögum að dagskrá, nema brýnar ástæður krefjast annars, ef viðeigandi gögn liggja ekki fyrir á tungumáli þeirra fimm virkum dögum fyrir upphaf fundarins.

4. SÉRSKIPADIR VINNUHÓPAR

- a) Sérskipuðum vinnuhópum skal stýrt af sérfræðingi sem formaður tækninefndar tilnefntir í samráði við fulltrúa framkvæmdastjórnar Evrópubandalaganna eða, að öðrum kosti, af þeim sérfræðingi sem er fulltrúi formennskuríkis framkvæmdaráðsins.
- b) Formaður sérskipaða vinnuhópsins skal kallaður á fundi tækninefndarinnar þegar skýrsla vinnuhópsins er til umræðu.

5. STJÓRNUNARLEG MÁLEFNI

- a) Formanni tækninefndarinnar er heimilt að gefa framkvæmdastjóra framkvæmdaráðsins fyrir mæli varðandi fyrirhugaða fundi og framkvæmd starfa sem falla undir starfssvið tækninefndarinnar.
 - b) Framkvæmdastjóri framkvæmdaráðsins kallar tækninefndina saman í samráði við formann tækninefndarinnar með því að senda fundarmönnum og fulltrúa framkvæmdastjórnar Evrópubandalaganna fundarboð 10 virkum dögum fyrir fundinn.
 - c) Haldin er fundargerð fyrir hvern fund og er almenna reglan sú að samþykkja hana á næsta fundi.
 - d) Formaður skal skrifa undir gögn tækninefndarinnar.
-